


淮海吏隱稿


三



漢書門類			
一〇	五	三	四
函	架	冊	號
一	七	六	五
冊	架	冊	號

內閣文庫			
三	一	〇	五
函	架	冊	號
二	五	四	三
架	冊	冊	號

內閣文庫		
番號	漢	10534
冊數	5	(3)
函號	317	186



淮海夫隱稿

淺草文庫



四六

擬賀皇子生表二

擬賀慈聖太后表二

擬賀仁慈太后表二

擬賀上兩宮徽號表二

壽申相公二

求潘司為淮河碑文



請督府王公

河工成請各院

河工成謝按院

賀王相公應召四

賀王相公公子發解

賀政府考績

賀梁公晉大冢宰

謝媿侍郎特薦

謝劉內翰撰誥文

賀政府邊功加秩二

請督府楊公

請督府閔武

賀郡侯張公考績障詞

賀魯王壽障詞

道迎宰執

壽胡中丞

壽陳中丞

壽王中丞

賀王中丞

候董尚書

送同鄉應舉

賀楊宗伯

謝王冢宰

上潘司馬

候余學士

續婚啓

淮海吏隱稿卷之三

四六

臨海秦懋德著

擬賀皇子生表

輝啓前星式肇

繼明之照潤重少海曠瞻震索之儀綿遐祚
于

皇圖仰慕隆之景運喜騰萬國名震四夷臣誠
懽誠忤稽首頓首竊以銀潢派衍于源深瓊
幹葩分于本固故際會昌之世斯迓佑啓之

休長發殷祥燕禱協德爰篤周祐熊夢兆賢
蓋和氣之薰蒸致本支之蕃庶矧惟主器之
重寶蘭長子之生曠古所難于今稱慶茲蓋
伏遇

皇帝陛下

剛健中正

文武聖神

誠格天心協氣糾紛六合

治光帝鑑至德昭格兩間共快

作聖之觀爭效多男之祝

兩宮推孝繼往遂以開來

九廟承休光前因以裕後祥呈麟趾瑞顯猗蘭

霏繞室之異香益充閭之佳氣

青宮是毓睿質已跨乎岐嶷

赤帝斯皇嘉名爰告于

郊廟歆惟

大典且值良辰當賞舒雙葉之中鄰

嵩呼萬歲之候斗廻

霍禁露湛

龍軒信

文武之相承知作述之不偶臣猥以謏劣叨
職要津世沐

殊恩躬逢

盛事無從虎拜莫罄鷓私敢歌天保之章載
賜元良之頌伏願

芑謀丕振貽

燕翼于萬年蒂化弘敷績

鴻業于百世

聖嗣克明而克類

宗祊彌久而彌增同天地之無疆引子孫以勿
替

又擬皇子生表

燕謀享德方儲

錫羨之祥羅夢生賢克叶

會昌之運懽騰中外慶溢神人臣誠懽誠忭
稽首頓首伏以瓊幹分葩于本固銀潢派衍

于源深麟趾振振眷彼化隆于仁厚螽斯蟄
蟄簡茲教洽于肅雍文慶延而克昌豈惟十
子妣妃播而孔熾爰至百男蓋和氣之薰蒸
致本支之蕃庶詎惟一人之慶實為萬世之
休茲蓋伏遇

皇帝陛下

受籙應期

握符撫運

仁均動植

德盡幽明

敬帝事以祗承合

天心而克享宅師無兢筦簞之寢既安傳類

有祥予韜之祠即應三靈薦祉

尤廟儲休式符龜筮之徵爰象震壑之吉誕生

賢嗣允值熙辰

赤帝斯皇已跨岐嶷之質猗蘭是毓將愜元

良之瞻告

廟卜名重離明之有繼

漢號賜青達鮮雨于無垠臣忝備侍臣遠羈
使命躬逢鴻慶莫附鸞班荷值

本支百世之時敢後

壽考萬年之祝伏願

景福彌介

繁禧日隆

宗祊彌久而彌增

胤嗣克明而克類為人父為人祖

永膺莫大之尊親保厥子保厥孫

亘嗣無疆之歷服

擬賀

慈聖宣文明肅皇太后表

瑤圖啓運夙艷

帝母之賢

寶冊加恩益衍

皇家之福含生鼓舞汗簡光華恭惟

太后殿下

肅雝維則

坤厚無疆邁燕譽于份甥嗣徽音于太袞

龍潛媿德

熊夢發祥粵自

聖嗣之續洪圖上邇

肅廟之啓盛治毋儀建極王化實基教脩端峭

蟻渡之中澤流崑崙旁薄之外

帝孝不匱

天祐且申養極備于

蘭陔惟日承于

椒掖頃迓

螽斯之慶益荷

燕翼之貽推本

閔休爰上

徽號太史灼龜而獻兆南宮昭德以揚休黃麾

之杖夙陳簪紳在列白玉之冊時舉金石克

廷惟

坤元聳諸夏之瞻故令名冠長秋之立實闕

懿典詎曰彌文臣世受

國恩躬被

彛訓仰戴

坤儀之至德曷勝鰲抃之微誠伏願

景福彌增

真禧茂介

始受天命誕生一人以為天下之君終享天
心永聚其順以承天下之養

各擬

慈聖宣文明肅皇太后表

運啓

中興紹

儲宮錫羨之慶

恩歸

聖母舉路朝發冊之儀

榮溢

禁庭驩傳海宇臣誠懽誠忭稽首頓首竊惟
上天生聖發祥有胎孝子念親推恩不匱金
天宰世報並曜于流虹火德肇基德不忘于

履跡蓋承家開國既衍啓祐之休故溯本思源誕侈闡揚之典於赫盛事復覩

明時恭惟

太后陛下

光纏寶婺

生應真符

坤厚無疆

肅雍維則邁姜嫄之燕譽齊任姒之徽音佐輔積勤寔自

龍潛之日休祥有衍早符熊夢之占誕毓

聖君適胎

盛治澤流崑崙旁薄之外教基淵蛸蠖濩之中

天祐且申

帝孝不匱懽日承于

椒掖養極備于

蘭陵頃爰

震嗣之誕生益隆

慈親之報禮特上

尊號式闡

令名南宮昭德以揚休太史灼龜而獻兆白玉
之冊時舉金石充廷黃麾之杖夙陳簪紳在
列尊親徧乎率土名位冠乎長秋詎曰彌文
是闕彝典臣職叨近侍躬際盛儀賀阻鵷趨
情深鰲忭仰戴壺範之盛兼承
聖孝之隆伏願

景福永增 真禧滋至 得名得壽扶
國祚于無疆 既熾既昌引后昆于勿替

擬賀

仁慈懿安康靜皇太后表
聖嗣承基已極蘭陔之養

神孫毓秀載新椒掖之華闈芳履于玄墀著
龜父叶奉徽稱于金祀典冊有嚴慶襲重闈
驩騰函寓恭惟

太后陛下

婺纒啓瑞坤德效靈
藏心于淵抱神以靜

受福于其王母久播令名自天而配
聖人誕敷慈訓化被萬國敬始絜緦助成離照
之明爰衍震卷之慶德厚配地功妙補天豈
直高曹向孟之賢允齊姜嫄任姁之盛
皇天眷命

嗣聖隆恩尊養軫不匱之情褒錫敷無前之典
儀昭法相冊麗大琮爰蠲嘉辰率上

尊號臣久遠近著獲遇昌辰播九天之絲綸莫
陪拊舞望五雲之宮闕祇極傾輸伏願

景運彌昌

玄禧滋至得其名得其壽扶寶曆于無疆作
之君作之師引子孫于勿替

又擬賀

仁慈懿安康靜皇太后表

蘭陵垂範天心開

寶運之祥黻宸推恩子道竭

慈闈之報

上徽稱于金祀闈

芳履于玄墀名播萬方法觀于禩臣誠懽誠
忭稽首頓首竊惟繼業垂統有開必先開國
承家肇基自近必有闕睢正始之德斯益既
醉太平之休自古已然于今爲盛恭惟
太后陛下

婺纒啓瑞

坤元效靈邁燕譽于份甥嗣徽音于太似始
事

穆廟爰雋貽燕之旨繼擁

嗣皇再啓飛龍之運德厚配地功妙補天

母儀已邁于無前

聖孝益敷于不匱頃迓

大慶仰念

隆恩推本

閱休爰上

尊號儀昭法冊冊麗大琮金石克廷簪紳在列
快覩報德報功之懿典實慰得名得壽之具
瞻臣躬遇熙辰遠遠近著接

九天之綸綍莫遂駿趨瞻

五雲之闕宮祗深雀躍伏願

繁禧滋至

景福日增扶歷服于無疆引子孫于勿替

擬賀

上兩宮徽號表

維皇建極惇典為先

達孝尊親正名為大仰

兩宮位號之並奕識

一人倫制之兼隆事邁前聞法觀后嗣臣誠懼

誠忤稽首頓首伏以

上天之生聖不偶有開必先

孝子之愛親無窮永錫爾類於赫

二后邁跡

兩朝治警鷄鳴贊

先帝登三之盛運扶

龍起開

皇上明兩之祥德始絃絃化行亟寓釀成

麟趾之慶實籍

燕貽之休推本

閔恩並上

尊號

徽音孔赫

顯冊有嚴

路朝肅九賓之儀寶觴奉

千壽之祝茲蓋伏遇

皇帝陛下

親總權綱

丕承基緒

德昭繼述

猷顯經綸值

大慶之頻仍喜

慈齡之兢永爰闡發祥之自因伸

報本之忱豈曰彌文式關彝典臣躬逢

盛事慶阻祗承遙瞻濟濟之賀班徒寄區區

之忠悃伏願

三靈共贊

百順具臻

景運彌昌

玄禧滋至

金甌鞏固

兩宮永膺

瓊冊之華

寶曆亨嘉百世益衍

銀潢之派

又擬賀

上兩宮徽號表

惟王盡制正名為先

惟聖盡倫尊親為大仰位號並崇于

二后窺倫制兼隆于

一人事豈彌文典闕風化臣誠惶誠忭稽首頓

首竊惟大孝事親情每懷乎錫類哲王御極治

每普于因心慕切終身德聞震后思貽維則

極建周廷事曠前聞禮崇今日茲蓋伏遇

皇帝陛下

剛健中正

文武聖神

親總權綱

丕承基緒

德光昭于繼述

猷丕顯于經綸值大慶之方來念

慈齡之兢永爰闡發祥之自用伸報本之忱

加奉

隆名肇脩曠典緬惟

二后邁跡

兩朝治警鷄鳴運扶

龍起釀成麟趾之瑞寔藉

燕貽之休肆茲鴻稱允符鳩德因窺坤元之

大益徵

孝治之隆臣職叨侍臣幸逢

盛事守拘使命莫綴清班聆綸綍不任鰲鱓

率臣工遙坤

嵩祝伏願

天休滋至

景福倍臻

兩宮永膺瓊用之華

百世益衍銀潢之派

壽申相公

王燭調元九有春融化日寶錄增笑千年曠敞
熙臺擁赤雲于上台迎紫氣于南極俯聽華封
之頌仰承天保之休幸君相同孚永命之真符
荷宇宙並臻太和之壽域似茲鴻慶曷任雀巢

寅惟

相公門下本經天緯地之文章樹旋乾幹坤之
事業歷三朝時親黻宸啓沃收補衮之忠巨兩
紀入掌絲綸謨謀弼垂裳之治二續效順東南
已頌河清四夷咸賓西北久馳重譯於赫昭代
紹盛化于殷周總屬保衡媿微猷于伊旦度輪
震夙律轉秋中綵仗含風獻宮桃于王母雲樓
湛露張仙吹于瀛洲况惟嶽生申之期隣惟天

誕

聖之候台垣瑞開帝座奎壁祥統丹陵仰君臣
一德之休復甲子同月之盛信乎王者之啓運
必有名世之應期夫豈人謀寔乃天授某叨沐
參庇濫廁清班遠隔層霄未附八月仙槎之便
遙瞻盛事欲效千秋金鏡之陳肅馳吏丞代伸
下悃伏願景福茂介天恩時渥于龍津真禧益
增宸眷永繁乎雉尾用迓
杜稷無疆之祚庶綏
上帝簡在之心

又

殿繞赤雲駿望早隆鼎甲闕疑紫氣鴻禧日迓
熙臺巖谷騰懽縉紳動色謂神誕申甫上應四
七之台垣實天啓中興聿繼三五之盛治謬叨
附驥快覩添籌庇荷鴻鈞情倍雀躍洪惟
相公門下文章超邁古今事業昭回宇宙爰際
龍飛之洪運益展鵬舉之嘉謨帝德罔愆皇猷
允塞四夷賓服二瀆翕猶似茲柔遠能邇之休
總屬調元贊化之手信乎時有名世必應哲王

而天生明賢實為社稷時舒萸葉律轉金飈辰
迓初度之祥歲啓千秋之盛風煙澄玉宇月桂
光盈雨露溢金莖槐庭氣潤金貂進蓬萊之履
瑤圃侈雲璈之歌曦敞瀛洲春融黃閣詎惟一
人之祐允慰萬國之瞻某夙叨攀附猥辱眷存
北倚二天光逾重衮茲逢鴻慶未遂駿趨用肅
介幣之儀少代上觴之悃伏願乘風雲之盛會
荐陟二十四考中書依日月之重光永凝五百
餘年間氣

又

上台纏瑞仰名世之應期南極呈祥占大德之
得壽福欽黃閣順聚丹霄慶協巖廊懽騰遐邇
謂名良邁會既乘間值之時且申命自天復篤
寵綏之祐矧門墻之桃李沐雨露之栽培仰三
壽以作期戴二天而增忭寅惟
師相門下受

三朝之隆眷挺一代之宗臣素履格天丹衷體
國矢謨弼冲盛之治化盍垂裳協恭和姬旦之

淮海更隱和
表誠孚赤鳥卿雲見臚唱早兆駿烈之禹升
紅日映麻宣快覩鴻恩之駢集登黎庶於壽
域蕩宇宙於太和遡素秋應律之中正吳嶽
降神之誕霓裳香吹銀漢和鳳輦之金風絳
桃色映天潢湛鶴林之玉露仙璫簇紫雲之
氣海屋添寶籙之籌華封祝兢玉堂南山歌
環台座詎惟一人之祐實慰萬民之瞻顧忝守
藩遠隔山斗遙瞻鴻慶未遂駿趨敢虔介幣之
儀少代上觴之悃伏願遐筭益增景福茂介時

調玉燭閱千百歲春秋之長日履熙臺歷二十
四中書之考

求潘司寇淮河碑文

唐抑洪水績肇玄圭漢治瓠河謀基白馬蓋善
作者功必詳於創始而善守者事方資以樂成
赫邈非常之原宜雋不朽之典惟茲郡治直枕
徐僮北流遠引黃河東注近挾淮水勢凌奔駛
逝福建瓠爰自西橋上接清浦堤僅一線險當
二衝民岌魚鱉以為隣地凜平原之若塊雖及

伏秋之候亦飾衣衾之防僅足沃漏補苴豈為
一勞永逸議已著於善後事寔望於將來幸值
部臺近遵成畫兼集群策欲圖百全廼易籍茅
之虞轉為磐石之固當中流而砥柱縈土梗以
成城庶民子來衆杵時發經營於徂秋之季落
成於今夏之中費僅贏乎萬金工未逾乎期月
茲蓋恭遇

門下才猷名世精誠格天方兩河內徙之時適
四方仰成之日歷八年之荒度適奏膚功亘千
里之沮洳蕩成沃壤今底新績實藉紆謨敢貪
天工僭為已力謹報成事附達餘情竊惟思深
河洛德厲夏謨蹟永淮西芳流唐頌况茲荒度
之略將為保障之規必資名言勒諸貞石觀方
永於后嗣守不替於前修用瀆台嚴僭馳介幣
仰候俞旨俯慰具瞻庶辭命與勲勞同垂有永
之譽而生靈將
宗社並享無疆之休

請督府王公

運際昌期上台座聯北斗春迴化日貫索光照
金陵夙駕公車保釐南國中都父老慕德化而
扶杖遮留江左薦紳仰威儀而望塵快覩矧叨
洪庇曷任瞻依寅惟

門下三朝耆宿一代宗臣建節中原折衝萬里
隨車大霈慰霖雨於蒼生砥柱中流濟舟楫於
巨壑神功上侔伯禹種德遠邁臯陶爰自司徒
晉掌邦禁人情賢夢卜之選上際叶賡歌之風
朝野同懽華夷共戴某等濫廁藩臬荷蒙眷知
十乘啓行愧遐心之莫展一陽來復艷泰運之
日亨敬卜朔辰肅伸祖餞至期擁篲伏望揚麾
豫具短箋用告台從

河工成請各院

世際昌辰應乾清坤寧之象功昭明德紹地平
天成之休河伯効靈鮫人叶慶謀始基於白馬
典並侈於玄圭喜溢萬民懽倍百職竊惟汜光
有湖肇起東吳初季源溯桐栢流匯邗關當壽
泗天長六合之下游為甃射朱家赤岸之巨浸

一望勢凌奔駛萬頃懸如粘天兼黃河之南馳
挾淮水而東注颶揚鯨海濤激龍門人岌魚鱉
以為隣地凜孤城之若塊民溺誰拯國計可虞
否泰相乘滄桑適會俯陳長策仰荷紆謨司空
協共

當宁俞命舍漕輓之故道濬越河之新渠鳩工
聚材調度有節勦民妄費約束惟嚴允此群工
奉揚德意爰集衆力分任勤勞規倣會通制跨
康濟萬杵時發庶民子來堤翼東西儼如上垂

赤虹河鎖南北宛若下偃蒼龍經始祖秋之中
竣役今夏之季費僅倍於十萬工未逾於期年
昔漢築宣防三十餘年后定即禹治冀兗十有
三載乃同未有成功神速若此茲蓋恭遇

門下坤厚載物澤虛受人忠格天潢誠通川至
故土膏加潤而地脉回陽苦海轉為安流狂瀾
收乎砥柱萬艘飛粟戒靡藉於衣袂一葦弱航
濟將安於衽席某等謀如精衛見若井蛙愧張
騫之窮原因王尊以成事將厲河洛之頌詎誇

瓠子之歌茲蠲吉辰奉將台旆用告成事兼修
下廈四瀆翕猶正浥澄清之轡萬世永賴尚資
永濟之舟具瞻至期星言夙駕五湖生色百代
傳輝

河工成謝按院

砥柱中流夙仰澄清之轡大川利涉共籍蕪濟
之舟慮始寔荷乎洪謨樂成敢居乎大美竊惟
唐虞啓盛必資同心同德之賢禹稷効忠夫豈
一手一足之烈彼汜光之險與越河之開利害

甚明迺肇自先代以迄于今時荒度靡及物極
必反勢窮則通天假使君按節茲土猥以謏劣
夙佩良規爰率庶工奉揚俞命經營不日告厥
成功蓋遇

門下凝秋霜于白簡揚波之鱷潛消灑聿雨于
絳闕涸轍之鮒爭潤約束嚴而臣工祇若悅道
孚而庶民子來爰創非常之原同彼不日之速
某身膺重寄月擊時艱久棘胥溺之懷莫紓拯
援之策今叨石畫幸錫玄圭詎沐念功濫等懋

賞進宅司徒之任兼叨金幣之頒揣分實逾沐
恩非據祇深覆餗之懼難追彼已之譏既碌碌
竊餘畧以觀厥成敢貿貿貪天工而為己力謹
馳從史代展謝悰宴設慶成既阻樞侍儀陳篚
筐伏異麾存允願同寅協共阜民裕國忠資補
袞保河清海晏之治于無疆利切斷金雋地平
天成之績于有永

賀王相公應召

采雲傳制望歸鼎甲之隆
紫禁宣麻位晉台

衡之重聲震萬國
權騰百僚僉謂名世之生果
逢良弼之遇盛
繼喜起慶叶天人寅惟
相公閣下珪璋德望
黼黻才華胤邁蓬瀛名齊
山斗論思講座終

聖學於日新正色朝端
扶人紀於幾墜時雖忤
而道實伸身既歸而名益重
雖三公不易一日
之養而九官共推玄德之賢

當宁疇咨師錫允愜
遂膺簡命爰趣公車
遇揚賡載之風吉符
夢卜之兆身都宗伯
儼正位於

寅清肩並宰衡藹陪謀於密勿斟酌四時之元
氣行藉旋初規恢百世之光猷實咨運軸誠為
元良之奇觀匪直臺閣之增重也某才慙末品
職叨守臣昔幸驥附於同升今值龍飛於利見
身羈淮海賀阻江湖表悰片牋摠誠一念伏願
孝移綵服慙紆愛日之情忠傾衮衣爰樹擎天
之烈仰綏宸旒之簡在俯答蒼生之具瞻

又

視草黃扉久艷宿儒之望宣麻紫禁快觀良弼
之登即宸眷之駢蕃占世運之逾泰盛颺喜起

慶叶天人恭惟

相公門下振古英賢應期明碩淵涵震澤摘詞
委潤三江砥柱崑岡秉德聳宗五嶽生依台斗
派紹蓬萊爰際昌辰丕顯偉樹起鼎元論思丹
宸

三朝傾啓沃之忱本舊學輔導青宮萬國貞元
良之度立朝正色道重綱常愛日陳情歡承怙
恃雖三公不換一日之養而千載自神一德之

交疇咨與師錫魚同夢卜將人情允叶日月重
銷夙障風雲交會熙朝當衆賢之彙征膺五雲
之簡命皇皇

天使直進三聘之勤赫赫

綸音上侔元聖之眷况東山之起謝傳治仰蒼
生而中國之相温公威震殊域詎惟一人之出
處寔閔四海之安危今古希逢明良竒覲某備
員藩臬叨守江淮夙欽吐握之高風每恨識荆
之晚期執鞭弭于道左少輸御李之誠謹介候

人爰布下悃伏願星言夙駕蚤慰具瞻移孝為
忠祇承休命

又

紫殿宣麻爰立諧謨之新輔

黃扉視草聿求邃學之舊僚聲震華夷慶揚

朝野快覩

中興啓運遠紹明良間值之休尤荷

名世應期將迓社稷無疆之福寅惟

相公門下東吳人表昭代儒宗繇鼎元而展采

花塲擅獨對以蜚聲芝苑侍龍潛之邱翊戴元
良乘虎變之期躋登峻廡班聯卿貳任總官端
勁節貞操足謝平津之閣葆真習靜玄入袞妙
之門適逢日月重明盡銷宿靄遂獲風雲交順
丕應昌辰滿朝之師錫咸孚當宁之疇咨允叶
典秩宗伯寅亮是共贊政中書燮理攸寄似茲
重任共仰祇承行見咸五登三助建一人之皇
極坐令制禮作樂允開萬世之太平誠為天人
之交與而古今之盛際也某業慚士品職廁部
曹望艷蓬瀛心懸山斗謹介吏役肅展賀悰願
主恩日隆日隆一點丹心時與宸衷契合祈相體時
康時豫千莖黃髮永隨 聖壽綿延

又

制近彩雲兆名世之間值

麻宣紫閣慶良弼之登庸瑞氣紹于上台歡聲
騰于寰宇謂中國已相司馬以東山復起謝安
矧沐鴻恩豈任鰲忤寅惟
相公門下三吳人表百代儒宗本經天緯地之

文章會制禮作樂之盛世繇昺元而展采中秘
侍講幄而晉宅宮端化倚夔龍眷綏阿保立朝
正色不濡足于權門愛日陳情遂承懽于親舍
會膺

簡命名卜金甌快覩宗臣位躋玉帛藹宣謨于
密勿儼建極于寅清天使飛槎

當宁虛席况輪盛陽長養之會適叅元氣熒調
之期信明良之逢有時而華夷之慶非偶也其
猥以樗櫟夙荷甄收遠隔門墻遙聞嘉慶特攄

誠于一介聊贊喜于寸箋伏願移孝為忠後身
先國星言夙駕早慰具瞻佐聖化于雍熙永天
林于篤棊

賀王相公公子發解

明良協會具瞻昺鉉之尊家國同休快覩箕裘
之盛即承恩于奕世徵佑德之自天聲震華夷
歡騰朝野寅惟

相公門下三晉間氣一代詞宗視草鸞坡光特
覃于玉燭承麻鰲禁遇蚤叶于金甌勲業文章

遠跨魏國寵綏祿位直媿汾陽家學淵源天休
滋至名揚震嗣科擅昂元鵬翼已展天池龍頭
行占霄漢珠呈大海羨照乘之重輝鳳毓丹山
喜朝陽之並噦昔揚家父子之盛未掇魏魁而
范氏繼述之隆且繇廕叙若詞林濟美世業重
光於赫德門獨見今日某職羈藩服身遠江淮
末附百僚以趨踰爰介寸縑而致賀上仰台斗
已切瞻依遙指奎光益增欽艷

賀政府考績

明良會叶適值五百年名世之期上下道交已
肇二十四中書之考迓鴻恩之日茂會駿績之
昂升名震華夷歡騰遐邇快覩聖君賢相相與
有成交慶宗社生靈並受其福寅惟

師相門下兩朝顧命一代宗臣百僚具瞻萬邦
惟憲茲逢奏政益仰承休龍章鳳誥晝日耀三
接之蕃重衮玄圭自天益九錫之寵艷茲異數
寔稱殊勲殷嗣允德克終渥寵利于師保成王
緝熙典學隆報禮于周公爰念輔主大忠已邁

伊旦即今隆師重典直奕殷周蓋天生宗臣本
為社稷之計故帝任耆舊寔慰朝野之瞻某夙
忝攀附久沐吹噓佩服恩私恭聞隆遇情深雀
躍身阻駿趨肅介吏承遙修賀悃伏願遠思先
帝顧托之重近體當宁倚芘之隆保固台嚴亘
成功于三極祇承眷命永為憲于萬邦俾身與
國而同休斯國與天而同極續泰交于上古保
豐享于日中

賀梁公晉大冢宰

官端晉秩方列三事之崇班

太宰持衡仰敷六卿之重典即

帝命之蕃渥古世道之休隆蓋天啓

聖明將致中興之治必任資賢佐俾展名世之
才道固相成遇實非偶寅惟

門下生鐘間氣出際熙朝蚤以文學蜚聲儒林
繼以忠貞盡規瑣闥望益重于開府聲遠震于
外夷迄今來威之功共惟匡國之略

上嘉丕績屢晉崇階惟宮保輸一人之元良而

天卿為百官之表率，昂秩既艷于兼命，殊恩且接于一時。色動中朝，懽騰寰宇。某猥以樗櫟，夙荷栽培。附燭火于太陽，誰分末照；延蔭蘿于喬木，寔盜餘春。遠隔耿光，遙聞嘉慶。昔艷甲兵之范老，今見啓事之山公。賀阻上台，虔介下吏。伏願祇承駿命，益展鴻謨。養賢以及萬民，倡牧以均四海。永綏股肱耳目之寄，實迓社稷生靈之休。

謝姚侍御特薦

木秀鄧林，會匠石材。無遺朽馬，鳴冀北逢伯樂。群鮮留良，惟公門桃李之兼收。斯末厩駑駘之在御，遇誇千載，庇重二天。恭惟

老師門下，昭代宗儒。清朝遺直，丹衷炳于白簡。素履可格，蒼窮教育群髦。已見黜浮崇雅，法持三尺。詎云激濁揚清，某猥以菲材，復遭竒數。請父書于髻，觀學愧淵源。附士籍于末流，才慚經濟。豈期藥籠之採靡遺，溲渤之微鮒涸。餘生旋濡潤于河伯，螢火末燼頓借照于重光。叨竊殊

恩信同大造竭頂踵莫罄叩載異夙夜少報涓
渙永言葵自之傾忽傳風木之感爰修束帛遙
介門墻道瀆台嚴虔伸下悃伏願抑情全禮移
孝為忠俯慰蒼生之具瞻仰綏帝心之簡在

謝劉內翰撰誥文

木天視草象近台斗之經薇省宣麻口代絲綸
之制藁爾卑瑣夙切瞻依巋然玉堂末繇介紹
神馳御李願歎識荆仰窺吐握之誠遙致慇懃
之款恭惟門下才儲名世遇際昌辰黼黻皇猷

緝熙

聖學丹宸簡在恩每溢於龍津蒼生具瞻望早
歸於鼎鉉某才慚樗櫟跡困風塵茲候平鐫方
懼臯譴詎叨有司之推轂濫等

當宁之褒揚階遠晉于所生封下貶于賤室似
茲駿典兼荷鴻詞湘帙瑤章賁飾典謨之重龍
章鸞誥昭回奎壁之輝照分太乙之藜榮溢金
莖之露沐恩非據揣分則逾爰用什襲而琛藏
期以誇今而垂后肅馳下吏虔介謝悰

賀政府邊功加秩

鳳池傳制久艷兆五雲之祥

麟閣紀勲益荷盞

九天之寵仰鴻烈之露布膺駿典之駢蕃信名
世之生有文事必有武備故輔理之績安中國
且答四夷賞實稱功恩非溢數寅惟

相公閣下應

中興運為

聖帝師初侍

講筵既正蒙泉之始繼居政府時勅日中之宜
防怠荒于不虞期析衝于無外玉德既慎

國威孔彰東南夷歲款重譯西北冠世守貢琛
蠶爾左遼獨聳邊鄙仗將士齊奮威武致種落
幾盡誠倖神笑實本

廟謨殊勲首推良弼羽書馳捷

當宁念功內罄琛藏賚三錫之異數春宮端揆
晉一品之崇班蓋嶽誕

申公本為王室之翰故

帝渥隆春將培社稷之休慶叶同朝名震異域
某猥以謏劣仰荷甄收覩膺揚之奇勲值鳳儀
之盛際圖欲續乎王會頌將倣乎淮西謹介吏
丞慶展賀悃伏願益紆遠慮時懷永圖緯武經
文聿繼兩階之干羽柔遠能邇永淨萬里之煙
氛

又

運啓

中興兩階敷干羽之化謀資

良弼九夷收捷伐之威仰鴻謨之上升膺駿惠
之旁溢光流

社稷喜溢臣鄰快覩周雅之膺功慶當虞廷之
盛際寅惟

相公門下制禮作樂萬邦共仰太平緯武經文
四夷想聞丰采王猶允塞我武惟揚光天下舉
喁喁然而向風殊方外亦斤斤然以效順蠢爾
遼左敢肆窺邊幸豺貅齊奮其勇橫騎戟直搗
其墟矯矯獻囚連連執訊詎惟將士之力亦豈

胡運之衰仰仗

廟謨方收全捷茲荷懋賞之典特酬匡國之功
太師秩位首公孤武功爵世延苗裔豈為異數
實稱殊勲某猥以樗庸夙荷培植喜崑丘之莠
烈仰麟閣之圖形情舒雀眉慶先鰲舞敬馳吏
役肅布賀悰伏願益制兵要于事先永振雄圖
于穀內再造可封之俗因橐不戰之功守在四
夷治延萬禩

請督府楊公

時融三月適逢報政之期寵渥九天爰綏燕喜
之慶藹太和于八座侍色咲于上台光溢几筵
春分祭戟寅惟

門下秀衍太行派鐘汾曲忠貞世篤述作重光
奎璧聯輝詞藻媿休烈祖文武惟憲勲名繼美
先公教洽菁莪河洛猶沾雨化法凝白簡江漢
尚肅霜威望重東山春深當宁金莖露湛遇誇
虛席之隆玉鼎羨和化蒸既醉之盛兩淮開府
七藩具瞻折衝收樽俎之間經綸起宴樂之頃

通安遠格海晏河清虞絃再鼓於薰風社鼓四
同於春野人酣化日家履熙臺和氣致祥已兆
熊羆之吉頌聲作福佇迓麟鳳之祥某等班聯
部署咫尺台顏公餽叨升斗之需敢忘飽德江
湖厭鼯鼠之腹均竊飲醇茲乘公餘虔申薄款
謹筮某日僭枉干旄鼓瑟承筐雖乏大賓之享
沚毛澗藻少效王公之羞至期擁篲而先驅相
率振衣以預啓候須俞命俯賜賁臨榮竊比
于登龍情共傾于仰斗

請督府閱武

文敷建節治釀揖讓之隆武兢折衝烈揚震疊
之盛曠成駿典快覩鴻謨信名世之生有文事
必有武備故保釐之蹟內順治而外威嚴聲赫
華夷慶騰朝野竊惟軍國之大事在戎而帝德
之廣運曰武安危攸寄訓練宜先三年捷奏殊
方詎惟主略六月師闕四牡亦本臣猷寅惟
門下世篤忠貞天錫智勇造士洽菁莪之化道
在南河匡國繼采薇之風功鑄東魯眷深

當宁命簡中都人醉既醉之休心切無虞之警
爰棄右文之暇日廼咨經武之紆謨擊柝豫於
城門備增樓櫓列戟環於營壁色變旌旗尤嚴
都試之規特新大閱之地卜云其吉命帥經營
時動則威按期克詰星麾映日貔貅畢萃九天
霜戟排空果毅克充八陳三軍賈勇願聽命步
伐止齊六合氣橫咸同心弛張動靜實振七藩
之神氣豈曰一時之彌文某等謬荷國士之知
恩深挾纊濫分保障之任志切揮戈仰愧范老
之甲兵竊附終軍之祭戟壯觀盛事願備前茅
豹略策勲而四夷納款將贖皇會之圖麟閣揚
名而百世讓功詎上淮西之頌

賀郡侯張公考績障詞

剖竹分符畿輔規五百里之甸坐棠錫壤明朝
崇二千石之良會玉帛於萬方傾袞衣之九罭
奏敷報政典艷旌賢錫予冠臣工功歌式敘循
茂推衡鑑車服用章盛繼虞廷寵逾漢制恭惟
郡伯張公門下秀毓神京易水繞淵源之派名

高上國燕山挺志節之雄學貫天人才推命世
憲兼文武身際熙辰南斗氣耀于霄北極忠傾
近日雅望蚤騰麟鳳清班初躡鵷鷺展采雲司
分曹大計別利器於盤錯驗飾蓋於脂膏直道
暫抑晉易舊績旋享魏闕

帝念敷歷時重老成命次公於潁川將後台鉉
試望之于馮翊用寄股肱護三輔之金甌調兩
河之玉燭吏人糜沸無擾烹鮮簿牒絲棼靡停
迎丹雙旌五馬化日麗平行春一鶴三鱣清風

賡乎肆夏霈甘露於海上仁蘇匹婦之冤辨西
日於水中明並神君之察民登上理庭有餘閑
薰風之愠已紓暑雨之咨暫棘心推溺已念切
儆予保障崇墉昏墊免為魚之患發倉倒廩阻
饑無委壑之憂試砥柱於中流信濟川之舟楫
營立績奏當宁春隆增秩賜金已備公卿之
選垂輶擁駟言崇藩臬之遷三年春盜朱轡指
日霜寒白簡寶書恩溢金節威索太薇光照台
垣法星度纏勾拘釋折檻而建隆棟清穆翬飛

去咫棘而儀高梧朝陽鳳律和璧辨而升廟班
舟潭以登僊凡厥士民式同歌舞忝廁僚末敢
後榆颺

賀魯王壽障詞

一陽初復序開交泰之期萬福攸同度衍始壽
之慶祥徵有道身際咸亨喜溢宮闈歡傾邦國
恭惟

殿下天枝遙胄王室懿親粹稟中和遠鐘靈於
鳳泗純心道德上馳譽於神京本支延百世之
傳禮樂侈三雍之奏恭儉率乎

祖訓孝友啓乎後昆邁東平之樂積善孜孜虛
淮南之懷親賢濟濟名冠赤社忠溢天潢德已
極乎馨香基益培乎鴻勳茲值履端之候適逢
初度之辰佳氣遠迎書傳青鳥黃鐘初動觴進
紫霞眉壽方綏繁祉益介誠天人之交與而朝
野之胥慶也某才慚匡濟職忝守藩覆鍊負兢
莫荷紫薇之重任曳輪抱報徒虛朱邸之湛恩
山水有懷詎徹子期之聽驪黃靡覩碩勤伯樂

之知門雖阻於曳裾情每懷乎設醴遙聞盛美
益切祗承謹撰蕪詞試播金石

道迎宰執

上下交泰喜起會期晝日迂晉接之蕃自天盍
爰立之命三台遙聯帝座五雲上捧僊槎望慰
華夷歡騰遐邇快覩五百年名世有開必先交
慶廿四考中書從今伊始某沐恩門下喜樞侍
之有期守官海濱阻趨承之未遂謹儼從吏代
候前驅

壽胡中丞

西嶽儲祥名世應昌時之運南極纏瑞大德協
永命之徵歛五福於箕疇拱三台於舜詵懽騰
士庶慶叶天人矧隸台嚴夙沾休德荷增禧於
海屋敢后頌於華封寅惟

門下生胤南國之精華身際中興之明盛文武
惟憲朝野具瞻珥筆依日月之光忠收黼黻按
轡澄江漢之氣功勒旂常績久著於西臺望益
隆於北斗四夷想望丰采萬邦依藉德威於赫

鴻猷誕膺駿遇蓋天扶社稷將迓千萬載無疆
之休故神降荆襄特啓五百年間值之盛度逢
震夙時屆初秋玄圃風清瀛洲露湛蓬萊繞雲
璈之曲縉紳侈南山之歌即交與於天人占作
又於平格某職羈淮海心通雲霄未遂駿趨祗
深鰲忭爰肅介幣之使少代進履之忱伏願葆
龍馬之精神雋麒麟之事業歲調玉燭與國同
休日履熙臺為時錫極

壽陳中丞

國重老成共傾君子萬年之頌天佑耆德永錫
皇極五福之祥玄祉與宸眷爭隆南極拱台垣
並曜共荷元老益承申命之休因慶昌期將登
平格之又懽騰鴻寓喜溢鯁生寅惟

門下神誕彭澤望峻匡廬生應四七之期出乘
五百之運竦三朝之砥柱寄一代之典刑正色
立朝四方其訓秉憲肅政百度惟貞鷓鴣戢翼
於秋霜鴻鴈息喙於化日允茲偉績總屬徽猷
度歷千秋時惟八月三槐挺秀五桂分芳仙客

泛銀漢之槎雲璈繞天潢之曲赤龍北見玉露
潤液金莖玄鶴南飛絳桃色凝瑤島即嘉祥之
駢集占遐美之無疆某職忝風裁夙叨培植遙
瞻盛誕未遂趨承望紫氣於雲霄馳丹心於山
斗肅紆三尺之素代進萬年之觴伏願日履熙
臺歲調玉燭永為士民以錫極直與社稷而同
休

壽主中丞

南極纏瑞柄指北斗樞垣東嶽儲祥祐篤西臺

總府懽集中外僉謂五百名世之英願叶天人
果得萬年君子之壽矧父母之孔邇夙愷悌之
沾濡倍舒雀忭之眉敢后萬呼之祝寅惟

門下受八閩之間氣為一代之宗臣朝野具瞻
文武惟憲法凝白簡江漢尚肅霜威化被菁莪
震澤猶沾雨化帝眷耆舊時重老成僻爾全荆
特假開府仰匡國之明德繼曠世之膚功凡屬
併懷武同鼓舞慶值初慶時屆朱明玄圃雲紅
瀛洲草綠遙聞三戶之旅欲上萬年之觴况在

鄙人父荷休庇地羈職守期阻趨承用度介幣
之儀少代進履之悃伏願良雲夢之時延此遐
齡浚瀟湘之流介爾景福歲調玉燭與國同休
位晉昂鉉為時錫極

賀主中丞

天生名世望隆北斗之樞帝眷重臣任總西臺
之憲懽騰中外慶叶士民僉謂運啓中興適肇
明良間值之盛共荷位隣台昂將迓社稷無疆
之休矧辱甄收備員臺末其為忻忭曷可勝言

寅惟

門下丹衷體國素履格天植杞梓之高標翼翼
挺柱時之棟毓江沔之巨澤悠悠釀潤物之波
頃以大邦特命開府化宣白簡匡廬回草木之
春威布絳騶彭澤澄鯨鯢之潤溯此茂烈簡在
帝心故即肅政之臺屬為表率之地允文允武
佇為憲于萬邦之紀之綱期改觀乎百度仰惟
重任實慰具瞻某職忝風裁材愧樗櫟夙瞻偉
望茲隸台嚴燭火慶依日月之光萬籙幸藉喬

水之庇敢不祇將威德期以貞肅下僚茲介微
儀僭伸賀悃伏願仰綏當宁之養俯順蒼生之
情爰趣夙駕之征期丞副虛席之寵命

候董尚書

其夙進門墻幸容足于數仞遙隔山斗時戴首
于層霄顧阻風塵未上綯履雖瞻依之情自切
而踈簡之臯莫文仰冀慈原異道苛譴寅惟
老師門下名世德業華國文章邃學軼駕仲舒
清風齊驅子選龍津雉尾蚤渥雨露于黃扉鳳

綵鴻儀晚拂煙霞于綠野一經傳業茁蘭隨翠
竹俱鮮奕葉紹科冊桂與靈椿並茂忠孝推名
家之冠禮樂擅昭代之宗帝念老成朝推耆宿
公車特為推轂當宁行且宣麻某欵啓暨儒草
茅劣品濫叨知遇謬辱甄陶啣戢洪恩何以報
稱驅馳末路徒懷素心茲介微倖用伸積悃伏
願祇承天眷保固台嚴駿遇終協于明良相業
年齡爭永鴻謨世傳于孫子父班祖烈相繩

送同鄉應舉

驥足並驅發軔遠期千里鳳苞菟菟展冲霄快覩
三年惟鼓篋共推重於黌宮斯挾策將彙征於
天府望傾共里願切同袍竊惟長白文獻有徵
迨至明時譽髦為盛三千禮樂彬彬衍鄒魯之
傳數萬申兵濟濟凌武庫之富期值都試應召
公車學豫經綸為昭奎壁數已增於元愷選漸
近於瀛洲六月暫息天池九萬遙搏渤海僉謂
十七投牒之賢士必占七十解額之鄉書賡歌
唱和鹿鳴綴名後先雁塔月中濟水丹桂香襲
重枝春近曲江紅杏色聯十里道爭負弩志慙
題橋某自分樗庸濫竽仕籍鷓鴣近息何取一
籌之先鴻鵠高飛遙羨九天之適茲寄悰於尺
素行修賀於泥金伏冀多賢鑒此微悃

賀楊宗伯

北斗南懸時厓瞻遡台階特進彌切懽承蓋中
興倚名世之賢繼明良于千載而守臣叨屬吏
之末將攀附于二天賀阻駿趨情舒鰲抃恭惟
門下三朝耆舊一代宗臣與國忠純爽邦明哲

帝假絲綸之重人推彝鼎之尊爰自司空晉宅
宗伯惟南都根本攸繫而典禮寅直是司仰識
宸旒益隆春注將建中和之極先試黼黻之猷
揚賡載之風是在今日符夢卜之兆豈遠人情
夙師典刑遇叨國士報從雙闕快天日之清明
贊之一詞恨江湖之踈遠遙馳吏役肅展下棕
尤望宣麻即需秉軸弼聖治于揖讓融世道于
太和

謝王冢宰

頃緣入賀獲遂叅承荷推鄉曲之情濫假國士
之禮榮逾袞黼光溢章縫繼遠台嚴方馳神於
數仞忽迓新命益叨庇於二天愧切循墻感深
刺骨寅惟

門下鐘太原之間氣應名世之昌期績茂二朝
治均四海宸旒方厘注矚鈞軸且待秉持謙虛
宅心吐哺延士材靡遺于敵箒用弗棄於鈇刀
至如蹇愚亦蒙推擇竊念下吏質雖近樸器不
宜時初仕西秦教慚造士繼牧東魯政乏振民

雖効勞于治河亦因人以成事方懼尸素乃辱
甄收符剖數百里之封秩累二千石之重附祝
融之爍火寔竊餘光托江漢之清波敢忘大潤
若何報稱可以祗承惟肩素心勉酬殊遇

上潘司馬

叨沐叅庇睽隔門墻時戴首于二天每馳神于
數仞顧惟尊嚴之地靡容攀附之私徒切斗山
敢通介紹寅惟

門下三吳間氣一代宗臣頃當兩河潰決之時
適值群議紛糾之際上塵石畫倏建膚功河伯
效靈神龍呈瑞信負名世之具必有非常之功
詎近媿平江之嘉猷實上纘伯禹之明德昔虞
廷嘉績百揆晉端即昭代報勲五等徽列會見
盛典復集明公士民具瞻華夷共企某草茅賤
士樗櫟棄材幸緣宗親叨受知遇初試仰負德
意方切慙慚被謫上依重光復厘軫念引而置
諸幕下掖而委以河工兼荷德音重加獎進仰
識休休之量無所不容遂俾齷齪之流得以自

贖沾此寵澤不啻生成念畢餘生何繇報塞茲
籍台庇幸成隄工雖少效奔走之勤恐無裨永
利之略况遵成算敢叙微勞茲達下悰仰冀慈
鑒

候余學士

某辱進門牆遙隔台斗顧尊嚴之地雖切仰瞻
而踈遠之臣敢僭攀附久失候悃仰冀慈原寅
惟

老師門下神誕四明學貫三極聲蜚鼎甲早兆

五雲之祥望茂木天上應三台之象歷累朝珥
筆歡宸啓沃收補袞之忠亘兩紀端席青宮謨
謀備宣麻之選盖有哲王之起必有名世之生
情每相頌遇實非偶且春融雨露門多桃李之
培故運啓風雲材幸葑菲之採至如不肖亦在
甄收竊念欵啓庸儒草茅末品未窺藝林之門
戶徒竊古人之糠粃頃文星掌衡之時乃俊乂
毓技之候豈期承乏首被明揚燭火慶依日月
之光薦蘿上藉喬木之庇沐恩為愧揣分則逾

若何驅馳可以報稱惟殫素學勉副異知茲肅
吏人特上台履伏願葆精神于龍馬雋勲業于
麒麟綬眷宸旒永持鈞軸詎荅蒼生之望實近
社稷之休

續婚啓

承基越嶠夙欽閎闕之隆邁跡燕山載艷門楣
之盛試觀文武之繼美允稱冰玉之相輝喜接
乘龍選推射雀詎期小子亦荷兼收粵露凜寒
宮凜嫦娥之獨艷顧河分銀漢限牛女之各天
即有倚玉之心敢諧委禽之耦天作好合事有
夙緣當斷絃欲續之時值令愛含貞乃字之候
迤邐送旅介紹名門款諦二姓之盟遽訂百年
之約名濫收于孫監遇不讓于裴航藐爾寒宗
子歸淋媛豈徒中櫛之侍實繼蘋蘩之脩謹洎
吉辰恭候成命祇承一筐之幣敢希百兩之將
惟冀賜名同歸于好笙諧鳳閣永家室之相宜
玉種藍田引子孫于勿替

